

# Alkitab Sagan Kakanakan

## Mengenal akan



Ratu  
Ester nang  
Bungas



Panulis: Edward Hughes

Nang manggambar: Janie Forest  
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.



Ada saurang gadis nang bungas banar ngarannya Ester. Pas abah lawan umanya maninggal, Ester diimpu ulih pamannya nang bangaran Mordekhai. Ester mahormati pamannya lawan manaatinya sabagai anak binian nang baik hagan pamannya.






Ester tinggal di Persia. Tapi, Ester lain urang Persia. Inya urang Yahudi. Nini muyangnya datang ka Persia hagan tawanan parang. Pas masa Ester hidup, banyak urang Yahudi tingal di Persia.



Raja Persia maulah sabuting pista hagan barataan pambasar matan saluruh dunia.



Buhan lakian makan tapisah matan binian nang jua dijamu ulih Ratu Wasti. Sang raja nang rahat mabuk mamarintah Ratu Wasti hagan mamakai mahkuta karajaan lawan manampaiakan kabungasannya. Ratu Wasti kada handak.



Hagan manampaiakan  
pada binian harus  
mahurmati laki buhannya,  
sang raja mangasahakan  
undang-undang hagan  
maambil mahkota matan  
Ratu Wasti. Inya kada  
pacangan jadi saurang  
ratu pulang.



Pancarian hagan  
mandapat ratu hanyar.  
Kaluarlah sabarataan  
binian bungas nang ada  
dalam kerajaan ngintu, raja  
mamilih Ester jadi bininya.  
Inya mambari mahkuta  
karajaan di atas kapalanya.  
Ester kada bapadah pada  
inya urang Yahudi ulih  
pamannya maminta inya  
supaya kada bapadah  
manganai hal ngintu.



Paman Mordekhai mahabisi waktunya duduk di lawang garbang istana hagan tahu barita tantang Ester.




Sabuting hari inya mandangar pada ada dua urang palayan nang barancana hagan mambunuh sang raja. Mordekhai mangirim paringatan hagan manyalamatakan hidup raja. Palayan-palayan ngintu digantung, lawan ngaran Mordekhai dituliskan dalam kitab sajarah raja.






Urang kadua dalam pamarintahan raja adalah saurang nang kaya bangaran Haman. Satiap urang tunduk manyambah ka Haman amun inya lalu. Samunyaan urang, kacuali saikung urang. Sabagai urang Yahudi, Mordekhai manyambah Tuhan nang hidup haja.



Haman banci banar ka Mordekhai, inya mamutusakan hagan mambunuh Mordekhai lawan sabarataan urang Yahudi nang ada di Persia. Liwar manakutkannya! Si jahat Haman maatur siasat supaya raja manandatangani sabuting undang-undang nang pada sawaktu-waktu nang ditantuakan satiap urang Yahudi di karajaan ngintu pacangan dibunuh.






Ngintu adalah hukum nang mangarikan. Maulah kadua bangsa ngintu, bangsa Yahudi lawan Persia baduka. Tapi ingat, Tuhan manjadiakan Ester sabagai ratu. Lawan inya urang Yahudi. Pacangankah inya manyungkupi rahasiannya matan raja? Atau inya pacangan maambil rasiko mahadapi kamatian lawan mancuba hagan manyalamatakan bangsanya?



Tuhan mambari ide nang baik ka Ester. Inya mangundang raja lawan Haman ka pista. Pas pista ngintu raja manjanjakan napa haja nang dimintanya. "... datang raja lawan Haman ka parjamuan ... isuk," Ester manjawab. Imbah ngintu inya pacangan bapadah ka raja napa yang dikahandakinya.



Samantara ngintu,  
Haman manyiapiakan  
sabuah gantungan  
hagan manggantung  
Mordekhai.





Pas malam ngintu raja kada kawa guring. Dibacanya sabuah kitab pancatat sajarah inya malihat pada Mordekhai suah manyalamatkan nyawanya. Subuh harinya, raja batakun ka Haman, "Napa nang harus digawi ka urang nang raja manghurmatinya?"

Haman arai banar. Inya bapikir pada urang nang dimaksud raja ngintu inya!






Haman datang lawan maksud minta ijin raja hagan manggantung Mordekhoi. Tiang gantungan ngintu sudah siap. Damini ngintu bisa mahadang. Lawan bagairah, Haman mambariakan "Pakaikan pakaian nang biasa dipakai raja saurang lawan mahkuta."





"Lakas ambil pakaian lawan kuda ngintu, parintahakan saurang pambasar mangarak inya malalui lapangan kuta." "Lakuakan kaya ngintu ka Mordekhai." Parintah raja ka Haman.





Manurut pikiran ikam, kayapa parasaan Haman pas inya mangarak Mordekhai dalam pambarian panghurmatan bakaliling kuta? Wahini inya mambanci Mordekhai labih matan sabalumnya. "Hadang kaina," luku


Haman bapikir kaitu.

"Inya pacangan mati, basama lawan

sabarataan urang Yahudi lainnya."



Pas sanja hari, Haman lawan raja sampai ka parjamuan nang diadaakan ulih Ratu Ester. "Napa parmintaan?" raja batakun. Inya kada malupakan janjinya. Manunjuk Haman, Ratu Ester baucap ka raja sabarataan rancana jahat Haman. "Gantung inya!" raja batitah.



Imbah ngintu raja mangasahakan hukum lain nang mangijinkan urang Yahudi mampartahanakan diri buhannya saurang. Buhannya selamat! Mordekhai manjadi urang kadua di bawah raja lawan sabarataan urang Yahudi basukacita lawan saling mangirim hadiah. Sampai hari ngini, urang Yahudi ingat kayapa Tuhan manyalamatakan buhannya malalui Ratu Ester nang bungas.



# Ratu Ester nang Bungas

Sabuting kisah matan Firman Tuhan, Alkitab

Taulih dalam

Ester

"Amun tabuka, firman-firmanPian mambari  
pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

